

Samningur

mennta- og menningarmálaráðuneytis við VISKU – fræðslu- og símenntunarmiðstöð Vestmannaeyja um ráðstöfun rekstrarframlags í fjárlögum

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Viska – fræðslu- og símenntunarmiðstöð Vestmannaeyja, kt. 630103-2230, í samningi þessum nefnd Viska, gera með sér svofelldan samning.

1. Markmið og starfsemi

Meginmarkmið með samningi þessum eru að Viska mun vinna að markmiðum framhaldsfræðslulaga nr. 27/2010 með því að reka miðstöð framhaldsfræðslu í Vestmannaeyjum, greina þarfir fyrir fræðslu og bjóða ráðgjöf, raunfærnimat og námskeið fyrir markhópa. Þjónusta á sviði framhaldsfræðslu skal veitt og þróuð í samstarfi meðal annars við Fræðslumiðstöð atvinnulífsins, Fræðslusjóð og aðra hlutaðeigandi aðila, Viska skal vera með fjarnáms- og kennsluaðstöðu í Vestmannaeyjum vegna framhaldsfræðslu og veita nemum á framhaldsskóla- og háskólastigi þjónustu eftir því sem þörf er á og fjárhagur leyfir. Miðað er við að minnst 75% framlags skv. samningi fari í reglubundinn rekstur framhaldsfræðslu. sbr. 9. gr. laga um framhaldsfræðslu.

2. Forsendur samnings og lagaheimildir

- 2.1 Framlag ríkisins til samnings þessa er ákveðið í fjárlögum hvers árs og er það 21,7 m.kr. árið 2014 og 21,9 m.kr. skv. frumvarpi til fjárlaga fyrir árið 2015.
- 2.2 Ráðuneytið annast samskipti aðila vegna samningsins við fjármálaráðuneyti og Alþingi. Það mun beita sér fyrir því að árlegt framlag til samningsins verði í samræmi við gr. 2.1. með fyrirvara um að Viska standi við skuldbindingar sínar. Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og á Viska ekki kröfu á ríkissjóð eða rétt á bótum þótt framlag tilsamningsins verði lækkað eða fellt niður.
- 2.3 Verði gerð umtalsverð breyting á fjárveitingu til samningsins í fjárlögum taka aðilar upp viðræður um aðlögun rekstrarins að breyttri fjárveitingu.
- 2.4 Framlag ríkisins samkvæmt samningi þessum tekur breytingum skv. verðlagsuppfærslu fjárlaga hvers árs.
- 2.5 Viska starfar samkvæmt skipulagsskrá sem var samþykkt 6. janúar 2003.
- 2.6 Viska starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á: eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.
- 2.7. Forsenda framlags til verkefna á sviði framhaldsfræðslu er að Viska hafi viðurkenningu sem fræðsluaðili skv. 7. gr. laga um framhaldsfræðslu nr. 27/2010.

3. Ábyrgð Visku – fræðslu- og símenntunarmiðstöðvar Vestmannaeyja

- 3.1 Viska ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. Viska skal leggja fram gögn og skýrslur þessu til staðfestingar, sé eftir því leitað.

3.2 Viska ber ábyrgð á skuldbindingum sem hún eða aðilar á hennar vegum stofna til í tengslum við samning þennan.

3.3 Visku er óheimilt að:

3.3.1 Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.

3.3.2 Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

4.1 Ráðuneytið greiðir árlegt framlag sem hér segir:

4.1.1 Í tólf jöfnum hlutum og skal greitt fyrsta virka dag hvers mánaðar. Greitt er inn á bankareikning í viðskiptabanka Visku.

4.2 Viska skilar ráðuneytinu:

4.2.1 Áætlun um rekstur og breytingar á efnahag ásamt starfsáætlun þar sem fram komi m.a. hvernig er áætlað að ráðstafa framlagi og helstu starfsmarkmið sem unnið verður að, fyrir lok febrúar ár hvert.

4.2.2 Endurskoðaðan ársreikning ársins á undan, með skýringum, fyrir lok júní ár hvert. Jafnframt skulu ársreikningur og ársskýsla send Ríkisendurskoðun.

4.2.3 Samningsaðilar munu á samningstímanum samræma framsetningu upplýsinga um rekstur, sbr. framangreinda liði 4.2.1 og 4.2.2.

4.3 Eigi Viska í viðskiptum við lögaðila sem hún á eignarhluta í eða er í eigu fjárhagslegra tengdra aðila svo sem stjórnenda hennar, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

5.1 Ráðuneytið hefur eftirlit með framkvæmd samningsins.

5.2 Fulltrúar ráðuneytis og Visku halda að lágmarki einn fund árlega um samninginn.

5.3 Fyrir lok júní ár hvert skilar Viska ráðuneytinu ársskýrslu þar sem m.a. er fjallað um framkvæmd samningsins og hvernig framlagi var ráðstafað í samanburði við áætlanir.

5.4 Viska skilar ráðuneytinu upplýsingum sem það kallar eftir vegna opinberrar upplýsingagjafar.

5.5 Viska veitir ráðuneytinu upplýsingar sem það telur sig þurfa vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstökum þáttum í framkvæmd samningsins. Í því skyni afhendir Viska ráðuneytinu þau gögn og veitir upplýsingar sem máli skipta vegna úttektarinnar, s.s. afrit af fundargerðum stjórnar, útprentun eða samantekt úr bókhaldi og afrit af öðrum gögnum sem sannarlega eru nauðsynleg vegna úttektar og eftirlits ráðuneytisins. Gæta skal trúnaðar um upplýsingar sem leynt eiga að fara skv. lögum eða eðli máls, s.s. persónulegar upplýsingar um viðskiptavini Visku.

hmg

- 5.6 Samning þennan, ársreikning Visku, ársskýrslu og úttektarskýrslur skal birta á vef Visku jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.7 Viska setur á vefsíðu sína ýmis gögn svo sem skýrslur, leiðbeiningar og niðurstöður úr tilrauna- og þróunarverkefnum sem unnin hafa verið á hennar vegum.

6. Vanefndir og meðferð ágreinings

- 6.1 Viska tilkynnir ráðuneytinu tafarlaust ef hún telur vafa leika á um að hún geti uppfyllt skyldur samkvæmt samningnum. Jafnframt greinir Viska frá úrræðum sem hún hyggst grípa til.
- 6.2 Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli Viska ekki skyldur sínar samkvæmt samningi þessum.
- 6.3 Samningsaðilar munu leitast við að jafna ágreining, ef einhver er, sín á milli.
- 6.4 Dómsmál sem rísa kann út af samningi þessum skal rekið fyrir Héraðsdómi Suðurlands.

7. Gildistími og lok samnings

- 7.1 Samningurinn gildir frá 1. janúar 2015 til 31. desember 2018.
- 7.2 Hvor aðili um sig getur óskað eftir því að einstök ákvæði samnings þessa eða samningurinn í heild veðri tekinn til endurskoðunar, enda séu færð fyrir því efnileg rök. Endurskoðun skal þá hefjast svo fljótt sem verða má.
- 7.3 Óski annar hvor samningsaðila að semja um áframhald eftir gildistíma samningsins skal hann koma því á framfæri fyrir lok febrúar það ár sem samningurinn rennur út.
- 7.4 Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.5 Samningur þessi er gerður í tveimur samhljóða eintökum og heldur hvor aðili eintaki.

Reykjavík 18. desember 2014

Hellen H. Gunnarsdóttir

Fh. mennta- og menningarmálaráðuneytis

Halgerður Guðjónsdóttir

F.h. VISKU – fræðsla- og símenntunar-
miðstöðvar Vestmannaeyja

Vestmannaeyjar
P.O. Box 103-2222